

MEMORIA DE ACTIVIDADES DA A.C. ARUMES DO CORGO (2015-2018)

Ano 2015

PRESENTACIÓN DO LIBRO RECOMPILATORIO DO CERTAME LITERARIO TERRAS DE CHAMOSO (EDICIÓNS 4, 5 E 6)

A presentación do segundo volume (o primeiro recollía as tres primeiras edicións) levouse a cabo o 13 de febreiro no refectorio do Museo Provincial de Lugo con presenza do presidente de Arumes, Xurxo Rodríguez, e do deputado de Cultura e Turismo, Mario Outeiro. Ao finalizar o acto todos os asistentes recibiron un exemplar de agasallo.



CELEBRACIÓN DO ENTROIDO

A Asociación Cultural Arumes do Corgo, celebrou o 14 de febreiro o Entroido cun xantar de contraternización no “restaurante Prados” do Corgo onde uns setenta socios/as deron conta dun magnifico cocido.

CAMIÑO DE SANTIAGO SUR OU DE INVERNO



Usada polos peregrinos, sobre todo na época invernal, para evitar os cumes nevados do Cebreiro. Fai a súa entrada en Galicia pola comarca ourensá de Valdeorras, sigue polo Sur da provincia de Lugo e nas proximidades do monte Faro entra na comarca pontevedresa do Deza, uníndose en Lalín ao camiño Sanabrés o Mozárabe. O Camiño de Inverno, dende Albaredo a Santiago, ten aproximadamente 188 km. Fixemos este camiño en nove etapas:



- 1ª Etapa: **Albaredo-Quiroga.**
- 2ª Etapa: **Quiroga-Pobra de Brollón.**
- 3ª Etapa: **Pobra de Brollón-Monforte-Pazo de Reguengo.**
- 4ª Etapa: **Pazo de Reguengo- Chantada.**
- 5ª Etapa: **Chantada-Alto do Faro-Rodeiro.**
- 6ª Etapa: **Rodeiro-Lalín.**
- 7ª Etapa: **Lalín-Silleda-Bandeira.**
- 8ª Etapa: **Bandeira-Rubial.**
- 9ª Etapa: **Rubial-Santiago.**

XORNADAS DE HORTICULTURA, RECOLECCIÓN DE SEMENTES E PREPARACIÓN DE PEBIDEIROS.

O sábado 11 de abril, na Casa das Asociacións do Corgo, tiveron lugar as II Xornadas de Horticultura, recolección de sementes e preparación de pebideiros organizadas por esta asociación e que despertou grande interese na veciñanza.



V ENCONTRO ASTUR-GALAICO DE ASOCIACIÓN

O domingo 19 de abril, e organizado pola Asociación Cultural Roteiros de Pol, asistimos a este encontro astur-galaico, que contou coa asistencia de numerosas asociacións tanto da veciña Asturias como de Lugo.



EXCURSIÓN A ESTREMADURA

Esta excursión por terras extremeñas fíxose os días 1, 2 e 3 de maio. A nosa primeira parada foi en **Plasencia**, considerada a capital do norte de

Estremadura e coñecida como a Perla do Norte ou a Perla do Val. Situada na Ruta da Prata, o seu casco histórico conta con numerosos palacios, casas nobres e importantes construcións relixiosas. Moi preto das súas catedrais atópase a muralla da que se conservan 21 das 71 torres orixinais que rodeaban a cidade de Plasencia dende o ano 1200. Xunto a muralla está o acueduto medieval, que era a vía de entrada da auga que chegaba dende as serras de Cabezabellosa e El Torno á cidade. Construído no século XVI conta con 300 m de lonxitude e 55 arcos de medio punto.

A nosa seguinte parada foi en **Cáceres**. A cidade monumental de Cáceres foi declarada polo Consello de Europa como o terceiro conxunto monumental de Europa no ano 1968 (despois de Praga e Tallín), e foi declarada Patrimonio da Humanidade pola Unesco no ano 1986. Conta cunha muralla, romana, árabe e con edificios medievais. É coñecida como a “Vila dos mil e un escudos” que adornan as paredes exteriores e interiores dos seus palacios e casas señoriais. A súa praza maior é una das mais amplas de España.



Despois trasladámonos ata **Cabezuela del Valle**, localidade declarada conxunto histórico artístico, **Jerte, e Hervás**. Xa na Comarca da Vera visitamos Cuacos de Yuste, onde visitamos o **Mosteiro de Yuste**, lugar de retiro e falecemento do Emperador Carlos V.

O Real Monasterio de Yuste forma parte do Patrimonio Nacional de España e é sede da Fundación Academia Europea de Yuste,

dedicada a fomentar o espírito da Unión Europea. Componse de dúas partes: o convento, cunha igrexa gótica e dous claustros, e a residencia do emperador.

Nesta poboación atópase a Casa de Juan de Austria, fillo do emperador; hoxe é a sede da Mancomunidade de La Vera.

Xa para rematar esta viaxe visitamos a vila de **Jarandilla de la Vera**, onde se atopa o Castelo-palacio dos Condes de Oropesa e onde viviu o rei Carlos V, antes de construírle a súa residencia en Yuste; hoxe é un parador de turismo.

EXCURSIÓN: MOSTEIRO DE CARBOEIRO-FERVENZA DO TOXA

O sábado 16 de maio partimos cara Lalín para visitar o Museo etnográfico Casa do Patrón, onde en máis de 2000 m2 de exposición se expoñen máis de 4.000 pezas recollidas por toda a xeografía galega, onde se poden contemplar as antigas escolas, os oficios esquecidos, unha taberna, un forno o unha forxa tradicional, pasando polos hábitos de vida dos nosos devanceiros.



Despois trasladámonos ao Mosteiro de San Lourenzo de Carboeiro, que constitúe un dos monumentos máis característico da arte medieval galega. Dende alí fixemos unha ruta de sendeirismo ata a Fervenza do Toxa (no río Toxa), considerada a máis alta de Galicia en caída libre. Constitúe un espazo de alto valor paisaxístico que forma parte do sistema Fluvial Ulla-Deza.

De regreso, fixemos unha parada no Santuario da Virxe do Corpiño.

PROXECCIÓN DO DOCUMENTAL: O PILOTO

O sábado 16 de maio, o Centro Sociocultural do Corgo acolleu a proxección do documental sobre a vida de José Castro Veiga, O Piloto, un dos últimos membros do Exército Guerrilleiro Galego, nado en Boelle (Arxemeil-O Corgo). O Piloto foi moito máis que o último guerrilleiro morto en combate, xa que é unha lenda que, 50 anos despois da súa morte, está presente no pobo. Na realización deste documental descubríronse novos aspectos totalmente descoñecidos sobre a súa figura e tamén se atoparon con moitas cousas sobre a súa persoa que non son verdade.

VIII ENCONTRO DAS ASOCIACIÓNS CULTURAIS GALEGAS

O sábado 23 de maio celebramos o X Encontro de Asociacións Culturais Galegas. Nesta ocasión a asociación encargada da organización foi a A.C. Arumes do Corgo e participaron ademais: A.C. Amigos do Patrimonio de Castroverde, Asociación Roteiros de Pol, Arcas de Sarria, Agrupación Instructiva de Redes e Caamouco e A Canteira de Neda.

Despois de facer a recepción aos grupos participantes comenzamos o roteiro accedendo a muralla pola Porta de San Fernando, continuamos pola zona da catedral e baixamos polo acceso á muralla situado na Porta de Santiago. Continuamos a camiñata ata a ponte romana. Despois dun pequeno almuerzo para todos os participantes no paseo fluvial do Miño continuamos a ruta ata a Torre de Núñez.





Xa pola tarde trasladámonos ata O Corgo, para disfrutar coa actuación do grupo musical A Quenlla.

V ENCONTRO SENDERISTA E CULTURAL “LUCUS A PÉ”

A Sociedade Micolóxica Lucus convidounos, ao igual que o ano pasado, a participar nesta actividade que tivo lugar o domingo 7 de xuño.

Despois da reunión dos participantes na Praza de San Marcos comezamos a ruta, cun acto de recreación histórica na porta falsa da muralla. Baixamos da muralla pola Porta de Santiago, pasamos a carón da Catedral, Pazo Episcopal, Piscina Romana, Porta de Santiago, calzada romana, paseo do Rato, paseo do niño, Ponte romana, para rematar cun xantar de campo nas instalacións do Club Fluvial de Lugo.

VIAXE A CAMBADOS

O sábado 1 de agosto visitamos “a capital do Albariño”: Cambados, para asistir a súa Festa do Viño Albariño, unha das exaltacións gastronómicas máis antigas do Estado, fundada en 1953 e declarada de Interese Turístico Nacional.

Despois de facer un percorrido polas súas vilas históricas que manteñen a súa autenticidade: Fefiñáns, Cambados e Santo Tomé dirixímonos polo Paseo da Calzada onde as adegas de albariño abren as súas respectivas casetas e onde ofrecen os seus mellores caldos.



GRUPO DE TEATRO BONECA LARETA

O venres 7 de agosto puidemos disfrutar coa actuación da compañía “Boneca Lareta” dentro do programa (Cultura sobre rodas) da Área de Cultura da Deputación de Lugo. Puxo en escena a obra “A última viaxe do Afiador”, unha longametraxe documental en torno á vida dos vellos afiadores e coa que se pretendía revivir a experiencia dos “cinemas de verán”.

EXCURSIÓN: A VALLADOLID

O sábado 26 de setembro visitamos a cidade de Valladolid, capital da Comunidade Autónoma de Castela e León. Nos séculos XV e XVI chegou a ser a capital da Corte. Conserva un importante legado monumental e artístico, destacando o Colexio de Santa Cruz o edificio da primitiva Universidade, a Catedral o Palacio Real, o Palacio



do Sol, o Palacio dos Condes de Benavente, o Palacio Pimentel (onde naceu Felipe II), o palacio dos Vivero (onde tivo lugar a voda dos Reis Católicos) o Convento de San Agustín, o Mosteiro das Huelgas Reais, o Convento das Descalzas Reais e a Praza Maior, entre outros.

Tamén visitamos a Casa-Museo de Zorrilla, que recrea a época romántica na que viviu o poeta vallisoletano.

EXCURSIÓN A MONDARIZ BALNEARIO-CASTEDO DE VILASOBROSO

O sábado 17 de outubro dirixímonos ata a provincia de Pontevedra para facer unha visita ao Balneario de Mondariz, visita á fonte de augas termais de Gándara, a de Troncoso e o paseo sobre o río Tea. Despois fixemos una visita ao Castelo de Vilasobroso ou Sobroso. A fortaleza de Sobroso aséntase sobre un promontorio rochoso con restos da época castrexa, na ladeira do monte Landín.

GRUPO DE TEATRO LUSCO E FUSCO



O domingo 18 de outubro, no Centro Sociocultural do Corgo o grupo de teatro Lusco e Fusco puxo en escea a obra “Tolerías de Impro”, á que asistiron un bo grupo de persoas.

VII CARREIRA POPULAR ARUMES DO CORGO: MEMORIAL QUIQUE CASANOVA

O domingo, 25 de outubro, celebrouse a VII Carreira Popular “Arumes do Corgo”, que organiza a asociación homónima e na que participaron máis de 250 deportistas de todas as idades, desde nenos e nenas de 3 anos ata veteranos.



O gañador da proba absoluta foi Juan Antonio Gude Vila, seguido de Iván Manso Pedrosa e Eduardo Valcarce Merayo.

Na categoría feminina a vencedora foi a corredora Chus Valiño Novo, seguida de Ana Belén González Margaride e Loli Piñeiro Rodríguez.

A VII Carreira Popular Arumes do Corgo estivo organizada pola propia asociación coa colaboración da Federación Galega de Atletismo



e o apoio económico da Vicepresidencia Primeira da Deputación de Lugo e do Concello do Corgo.

Destacamos, coma todos os anos, o gran esforzo que supón para esta asociación a organización desta carreira na que colaboran de forma voluntaria e desinteresada, uns 50 socios/as, ademais de contar co apoio de persoal municipal.

XORNADAS DE RECOÑECIMENTO E EXPOSICIÓN DE COGOMELOS.

Estas xornadas micolóxicas celebráronse este ano os días 13 e 14 de novembro. O día 13 foi a parte teórica, a cargo do membro da Asociación Micolóxica Lucus José Antonio Castro Ferreiro.



O día 14 fixemos una saída guiada de recollida polos montes do Corgo e posterior selección e recoñecemento no Centro Sociocultural.

CERTAME LITERARIO “TERRAS DE CHAMOSO”

O sábado 19 de decembro, ás 20:00 h, no Centro Sociocultural do Corgo, celebrouse a entrega de premios do IX Certame Literario “Terras de Chamoso”.



Os premiados nesta edición foron:

CATEGORÍA: INFANTIL

Modalidade: **poesía**

- 1º premio: María Rodríguez Rodríguez, de Portomarín, pola obra “Galicia”.
- 2º premio: Francisco Fernández Joaquín, de Portomarín, pola obra “Comezo na escola”.

Modalidade: **relato**

- 1º premio: Izaskun Val López, de Castroverde, pola obra “Lembranzas”.
- 2º premio: Inés Parajuá Carpintero, de Castroverde, pola obra “Ceibe”.
- 1º accésit: Sofía Vázquez Varela, do Corgo, pola obra “O galo que quería casar”.

CATEGORÍA: XUVENIL

Modalidade: **poesía**

- 1º premio: Lara Domínguez Chantres, de Baleira, pola obra “ Os pobos perdidos”.
- 2º premio: Carla Castedo Pereira, de Castroverde, pola obra “ O muíño do tío Suso”.

Modalidade: **relato**

- 1º premio: Lucía González Campos de Castroverde, pola obra “Forza”.
- 2º premio: Alicia García Cabaleiro, do Corgo, pola obra “ O cadro”.

CATEGORIA: ADULTOS

Modalidade: **poesía**

- 1º premio: Emilio Silva Otero, de Lugo, pola obra “ Tempos de futuro, tempos de pasado”.
- 2º premio: José Ramón Sánchez Varela, de Carballo, pola obra “Sí la bas”.

Modalidade: **relato**

- 1º premio: Lara López Ares, da Coruña, pola obra “Un fermoso erro”.
- 2º premio: Beatriz López Dorado, de Lugo, pola obra “Naviadela”.

Ano 2016

CELEBRACIÓN DO ENTROIDO

A Asociación Cultural Arumes do Corgo celebrou o 3 de febreiro o Entroido, como ven sendo habitual, cun xantar de contraternización no “restaurante Prados” onde uns oitenta socios/as deron conta dun magnífico cocido.

ROTEIRO POLA VÍA XIX



Fixemos este roteiro o sábado 20 de febreiro xunto coa Asociación Amigos do Patrimonio de Castroverde. Comezamos o noso roteiro coa visita aos restos da Vía XIX que temos ao pé do campo da festa e capela das Virtudes de San Miguel de Pedrafitá (O Corgo), logo das explicacións do profesor emérito da USC Antonio Rodríguez Colmenero e de Mario Outeiro. Tras breves visitas ao campo da feira e pazo de Adai, a San Martiño de Perliños, e a restos da Vía XIX, a camiñata, como tal, iniciouse na ponte de Galiñeiros, onde se xuntan os dous regos que conforman o río Chamoso, e dende alí enfiámonos cara Arxemil. Por unha alternativa á traza actual da Vía, puidemos ver un miliario cristianizado; e a poucos centos de metros, un fermoso lugar, San Bartolomeu de Chamoso. Pouco a pouco fómonos achegando ata Coeo, cunha grande igrexa e restos de miliarios. Pasada esta aldea tomouse camiño en dirección a San Mamede dos Anxos, cruzando xunto da Ermida do San Amaro (ata hai pouco coñecida como Fortaleza do San Amaro) para ir pouco a pouco achegándonos a Lugo.

XORNADA DE CULTIVO DE PLANTAS MEDICINAIS E AROMÁTICAS

O sábado, 12 de marzo, a profesora Ruth María Barros Camba, impartíunos este interesante curso que contou coa asistencia de numeroso público.



ruta de sendeirismo: PRAIA DAS CATEDRAIS-FOZ

O xoves, 24 de marzo, trasladámonos ata a Mariña Lucense (concretamente ata Foz) onde comezamos esta fermosa ruta. Tras deixar Foz achegámonos ás marismas que forman a desembocadura do río Masma no mar Cantábrico, continuamos por varias praias ata chegar á nosa meta da xornada: a Praia das Catedrais, xa no concello de Ribadeo.



TEATRO

No centro Sociocultural do Corgo tivo lugar o xoves, 24 de marzo, a posta en escena da obra “A verdadeira historia de Manuel de Paderna”, sobre Manuel María.

VII ENCONTRO ASTUR-GALAICO DE SENDERISMO

O Domingo, 10 de abril, e convidados polo Grupo de Montaña “La Chiruca” participamos neste encontro; nel participaron tanto asociacións de Asturias como de Galicia. Deseñaron dúas rutas: unha longa, saíndo dende o porto pesqueiro de Cudillero e visitando as vilas da zona e a ermida de Santa Ana de Montares, patroa de Cudillero.



A ruta curta consistía nun rodeo polo anfiteatro de Cudillero onde un guía nos contou a historia, relatos e lendas desta fermosa cidade.

Para terminar cunha comida na localidade de San Juan de Piñeira.



TEATRO OS BALUROS

O día 23 de abril no Centro Sociocultural do Corgo puidemos desfrutar da obra “O menciñeiro a forza”, adaptación de Xosé Manuel Carballo Ferreiro, padriño da A.C. Arumes do Corgo, da obra orixinal de Molière.



RUTA DE SENDERISMO POLA COSTA DE LUGO: ESPASANTE-O VICEDO

O sábado, 14 de maio, fixemos unha fermosa ruta de senderismo. Saímos de Espasante, bordeamos a Praia de San Antón, seguimos camiñando ata os acantilados de Loiba e aló fixemos una parada “no banco máis fermoso do mundo”; continuamos a nosa andaina ata o Barqueiro e pasamos a súa ponte (cos seus arcos de ferro) ata chegar a O Vicedo.



IX ENCONTRO DE ASOCIACIÓNS CULTURAIS GALEGAS

O sábado, 28 de maio, celebramos o IX Encontro de Asociacións Culturais Galegas. Nesta ocasión a asociación encargada da organización foi a A.C. A Canteira de Neda (Ferrol) e participaron ademais: a A.C. Amigos do Patrimonio de Castroverde, Arcas de Sarria, Agrupación Instrutiva de Redes e Caamouco e A.C. Arumes do Corgo.



Comenzamos a camiñata dende o Albergue do Camiño Inglés, situado na desembocadura do Río Xubia, en Neda, onde comeza a Ría de Ferrol e Comarca, facendo un percorrido duns 2 km polo Camiño Inglés. Continuamos pola Rúa Castro e Rúa Real da Vila de Neda en dirección ao Río Beelle para facer a Ruta dos Muíños durante 9 km. Logo de tomar uns abundantes e variados manxares, subimos ata a fermosa Fervenza do río Beelle, voltando ao Pavillón do Roxal arredor das 14:00 h. Acompañados de actuacións musicais, antes e despois do xantar, rematamos cunha queimada e a proba da bola de Neda.

EXCURSIÓN: A ZARAGOZA



Os días 4 e 5 de xuño desprazámonos á cidade de Zaragoza, cidade monumental que reflicta nas súas rúas o patrimonio que deixaron catro civilizacións: a romana, a musulmá, a xudía e a cristiá. Paseamos polo seu casco histórico ata a Praza do Pilar, a Basílica a Lonxa, o Concello, a Catedral, a Ponte de Pedra, o Museo do Foro de Caesar Augusta onde contemplamos como era a cidade durante o Imperio Romano e a Aljafería, entre outras.

Tamén fixemos unha visita ao que foi o recinto da Expo Zaragoza 2008.

III XUNTANZA DE VERÁN DOS SOCIOS E FAMILIARES DA A.C. ARUMES



O domingo, 17 de xullo, foi o día elixido para facer a xuntanza de socios e o lugar, como en anos anteriores, foi a Carballeira do San Bernabé, onde os participantes entre contos e lembranzas deron conta dun succulento xantar.

VIAXE GASTRONÓMICA: FESTA DO BONITO DE BURELA

O sábado, 6 de agosto, desprazámonos ata Sargadelos para visitar o Conxunto Histórico-Artístico de Sargadelos. A fabricación artesanal desta louza fai que Sargadelos sexa un referente en cerámicas a nivel nacional e internacional. Camiñamos polo “paseo dos namorados” ata una vistosa presa.



Ao finalizar a nosa visita desprazámonos ata Burela, onde despois dunha succulenta comida a base de bonito, demos un paseo polas súas rúas e polo seu paseo da Marosa.

EXPOSICIÓN “A CALDO E TÉ”

O luns, 26 de setembro, os membros da A.C. Arumes acompañamos ao socio fundador, e membro da Xunta directiva, Manuel Fernández, “Lolo de Anseán”, na inauguración da exposición de cerámica que leva por título “A caldo e té”. A devandita exposición (organizada pola Deputación de Lugo) permaneceu aberta durante un mes na Capela de Santa María.

HOMENAXE A HENRIQUE CASANOVA

Os membros da A.C. Arumes do Corgo participamos na homenaxe ao socio fundador e membro da Xunta directiva, Xosé Henrique

Casanova Sánchez falecido en xuño de 2015. O acto comezou ás 12:30 h na casa do concello do Corgo co nomeamento de Fillo Adoptivo por parte do pleno. Posteriormente e na parroquia de Manán celebrouse un xantar homenaxe coa asistencia de máis dun centenar de persoas. Despois de xantar descubriuse unha placa no que hoxe é a praza “X. Henrique Casanova”. O acto rematou con intervencións variadas, recital poético e a interpretación do himno galego.

EXCURSIÓN A GIJÓN

O domingo, 2 de outubro, puxémonos en camiño para facer unha visita a Gijón. A nosa primeira parada foi para visitar o maior edificio en extensión do Estado, a Universidade Laboral (e tamén o edificio de pedra máis alto). No seu interior alberga a maior igrexa de planta elíptica do mundo. Dende a súa torre pode contemplarse Gijón.



Continuamos ata a capital da Costa Verde (Gijón) onde visitamos o barrio de Cimadevila, o máis emblemático de Gijón. O Barrio de Pescadores coas súas rúas peatonais e as súas sidrerías. Monumentos como o do “Eloxio do horizonte” de Chillida, un dos iconos de Gijón, a súa Praia de San Lourenzo, o Parque de Isabel a Católica...

VIII CARREIRA POPULAR ARUMES DO CORGO: MEMORIAL QUIQUE CASANOVA

O domingo, 23 de outubro, celebrouse a VIII Carreira Popular “Arumes do Corgo”, que organiza a asociación homónima e na que participaron

máis de 300 deportistas de todas as idades, dende menos e nenas de 3 anos ata veteranos.



O gañador da proba absoluta foi Carlos Villamor Castiñeira seguido de Juan Antonio Gude Vila e Leonardo Rodríguez Pena.

Na categoría feminina a vencedora foi a corredora Ana Belén González Margaride seguida de Enma Iglesias Penelas e Sonia Vázquez Rodríguez.

A VIII Carreira Popular Arumes do Corgo estivo organizada pola propia asociación coa colaboración da Federación Galega de Atletismo e o apoio económico da Vicepresidencia da Deputación de Lugo e do Concello do Corgo.

Destacamos como todos os anos o gran esforzo que supón para esta asociación a organización desta carreira na que colaboran de forma voluntaria e desinteresada, uns 50 socios, ademais de contar co apoio de persoal municipal.

XORNADAS DE RECOÑECEMENTO E EXPOSICIÓN DE COGUMELOS

Este ano organizamos estas xornadas os días 11 e 12 de novembro. O día 11 foi a parte teórica a cargo do membro da Asociación Micolóxica Lucus: José Antonio Castro Ferreiro.

O día 12, e como todos os anos, fixemos una saída guiada de recollida polos montes do Corgo e posterior selección e recoñecemento na Casa das Asociacións.



CERTAME LITERARIO “TERRAS DE CHAMOSO”



O sábado, 17 de decembro, ás 20:00 h no Centro Sociocultural de O Corgo celebrouse a entrega de premios do X Certame Literario “Terras de Chamoso”.

Os premiados nesta edición foron:

CATEGORÍA: INFANTIL

Modalidade: **poesía**

- 1º premio: Paula Domínguez Barreiro, de Pontevedra, pola obra “Raíña da insatisfacción”.
- 2º premio: Manuel Villanueva Moretón, de Castroverde, pola obra “O tempo”.
- 1º accésit: Nerea Campos Castro, do Corgo, pola obra “Pasou un ano”.

Modalidade: **relato**

- 1º premio: Helena Silva Fernández, de Lugo, pola obra “Oito anos e medio”.
- 2º premio: Pilar López Sal, de Láncara, pola obra “As nubes choran”.

CATEGORÍA: XUVENIL

Modalidade: **poesía**

- 1º premio: Laura de Cáceres Iglesias, de Vigo, pola obra “Beirarrúa”.
- 2º premio: Sabela Domínguez Souto, de Pontevedra, pola obra “Poema do día 30”.

Modalidade: **relato**

- 1º premio: Mª Sonsoles Quiroga Gutiérrez, de Lugo, pola obra “A sociedade perfecta”.
- 2º premio: Ana López Martínez, de Bertamiráns, pola obra “Déjà vu”.

CATEGORIA: ADULTOS

Modalidade: **poesía**

- 1º premio: Xan Rodiño García, de Pontevedra, pola obra “O bichoco”.
- 2º premio: Francisco Javier Fernández Davila, de Vigo, pola obra “Princesa de Fukushima”.

Modalidade: **relato**

- 1º premio: Ricardo Cid Paz, de Ourense, pola obra “A irmá soidade”.
- 2º premio: María Salinas García, da Guarda, pola obra “o héroe que perdeu o medo a voar”.

Ano 2017

CELEBRACIÓN DO ENTROIDO

A Asociación Cultural Arumes do Corgo celebrou o 25 de febreiro o Entroido cun xantar de contraternización no “restaurante Prados” onde uns setenta socios/as deron conta dun magnífico cocido.



RUTA: COVA DAS CHOIAS- RUTA DOS FERROS

O día 18 de marzo fixemos a Ruta “Cova das Choias-Ruta dos Ferros. Comezamos na aldea de Biduedo, na Pobra de Brollón, onde se atopa o acceso á cova de orixe natural que foi escavada polo home para a extracción de ferro. Despois seguimos percorrendo minas de ferro para rematar a ruta na Ferrería (balneario), xa no concello de O Incio.



EXCURSIÓN A CANTABRIA



Os días 1 e 2 de abril viaxamos á fermosa Comunidade de Cantabria. A primeira parada que fixemos foi para visitar a vila mariñeira de San Vicente de la Barquera. Esta vila histórica esta rodeada dunha privilexiada contorna, en pleno parque natural de Oyambre, e é o punto de partida do camiño Lebaniego que leva a Santo Toribio de Liébana. Dentro do Patrimonio arquitectónico visitamos entre o Castelo do rei, a Torre de Preboste e a Igrexa de Santa María dos Anxos, entre outros.

Despois seguimos a nosa viaxe por Comillas, coñecida como a “Vila dos Arzobispos”, porque nos séculos XVII e XVIII naceron cinco prelados que ocuparon importantes dióceses. Nesta vila visitamos, entre outros monumentos, o Palacio de Sobrellano, o palacio El Capricho de Antonio Gaudí e o panteón dos marqueses de Comillas.

Continuamos cara a Santillana del Mar, coñecida como a “vila das tres mentiras”, porque nin é santa, nin “llana”, nin ten mar. Santillana é un museo vivo dunha vila medieval desenvolvida entornando á colexiata de Santa Juliana, con numerosos caseríos-palacios que pertencen aos séculos XIV ao XVIII e que hoxe en día algúns acollen a institucións de carácter cultural. Foi declarada conxunto histórico artístico no ano 1889.

Nesta vila tamén visitamos a Neocova, unha réplica da Cova de Altamira pechada no ano 1979 debido á fragilidade das súas pinturas.

E puxemos rumbo a Santander, coñecida como “a noiva do mar”. Xa alí puidemos dar un paseo polos xardíns de Pereda, situados diante da

baía en terreos gañados ao mar, que foron utilizados como peirao en 1805. O primeiro que nos chama a atención nesta fermosa cidade é a maxestuosidade das fachadas dos bancos, moi importantes para Santander.

Seguimos visitando os seus numerosos monumentos: a Catedral, a igrexa do Cristo, o Mercado do Leste, o guindastre de pedra do porto e, como non, a súa fermosa Praia do “Sardinero”. Non nos esquecemos da visita ao Palacio da Magdalena construído no ano 1913 como agasallo da cidade de Santander ao Rei Alfonso XIII. Está situado na parte máis alta da Península da Magdalena, tivo distintos fins e na actualidade pertence ao Concello de Santander que o mercou a Juan de Borbón.

E xa para rematar a nosa visita a Cantabria visitamos as Covas de “El Soplao”, coñecidas como “a Capela Sixtina” pola súa grandiosidade, disposición e conservación. Considerada unhas das marabillas da xeoloxía mundial, atesourando un paraíso de excéntricas estalactitas, estalagmitas, coadas, columnas, perlas das cavernas, etc. Esta cova esta situada nun antigo paraxe de explotación mineira, entre os concellos de Valdáliga, Herrerías e Rionansa.

CAMIÑO PORTUGUÉS



Comezamos a andaina do Camiño Portugués o sábado, 15 de outubro, do ano 2016 en Rubiães (Portugal)

Dividimos este camiño en 6 etapas:

1ª Etapa: Rubiães-Valença-Tui-San Bartolomeu de Rebordáns.

2ª Etapa: San Bartolomeu de Rebordáns-Redondela.

3ª Etapa: Redondela-Pontevedra-Alba.

4ª Etapa: Alba-Caldas de Reis-O Cruceiro.

5ª Etapa: O Cruceiro-Padrón-O Faramello.

6ª Etapa: O Faramello-Santiago. Rematamos este camiño o día 22 de abril.

O camiño abandona Valença e adéntrase en España pola ponte Internacional sobre o río Miño; a súa pasarela lateral fai de excelente mirador cara a cidade de Tui. En Galicia o trazado avanza paralelo ás Rías Baixas de Vigo e Pontevedra; esta paisaxe marítima esta case oculta dende este camiño de peregrinación.



RUTA DE SENDERISMO "RIBADEO-PRAIA DAS CATEDRAIS"



O sábado, 13 de maio, fixemos esta ruta pola costa lucense saíndo do Porto de Ribadeo, Forte San Damián, camiño da Ruta do Cantábrico, pasando por Rinlo e as súas antigas cetáreas, seguimos camiñando coa vista en fermosas praias: Os Xuncos, Marbadás, Os Castros e Esteiro, ata rematar na Praia das Catedrais.

EXCURSIÓN: VALENÇA DO MIÑO-PAZO DE RUBIÁNS

O día 20 de maio, puxémonos outra vez en camiño. Pola mañá visitamos Valença do Miño e a súa Fortaleza.

Xa pola tarde visitamos o Pazo de Rubiáns, preto de Vilagarcía (antiga fortaleza do S. XII), que pasou por varias transformacións ao longo dos séculos. Aínda conservan o seu estado orixinal algunhas das súas construcións como a adega, as cortes e as cabaleirizas.



O seu xardín declarado "Xardín Botánico de Excelencia Internacional" con abundantes camelias, magnolios, carballos, freixos, araucarias, alcanfores e decenas de especies diferentes, contan os seus anos por centenas neste lugar.

A especie máis destacada é a camelia, convertindo o xardín do pazo nun atractivo de inverno, por ser esta época na que florecen as máis de 800 especies e 4000 variedades que alberga o xardín. Así mesmo, a adega tamén é un referente dentro do conxunto, xa que conta con máis de 25 hectáreas de viñedo.



X ENCONTRO DE ASOCIACIÓNS CULTURAIS GALEGAS



O sábado, 27 de maio, celebramos o X Encontro de Asociacións Culturais Galegas; nesta ocasión a asociación encargada da organización foi a A.C. Amigos do Patrimonio de Castroverde, e participaron ademais: Arcas de Sarria, Agrupación Instrutiva de Redes e Caamouco, A Canteira de Neda e Arumes do Corgo.

Saímos de Castroverde, con dirección a Vilalle, onde comezou a ruta de sendeirismo. En Vilalle Ricardo Polín comezou a explicación da traza histórica do camiño primitivo ao seu paso por Castroverde. Na rúa Santiago, descubrimento da placa sinalando a traza histórica do Camiño Primitivo ao paso pola rúa do Camiño Francés, sobre a Horta do Hospital na Ferraría de Castroverde. Fixemos unha parada na Torre da

Fortaleza. Seguimos a nosa camiñata por Souto de Torres, Vilar de Cas para desviarnos ata á croa de Sotomerille, onde visitamos o cemiterio máis pequeno de Galicia e a súa igrexa.

Despois de xantar, na igrexa de Vilabade agardábanos os grupos de Acordeonistas, Zuncunrrundullo e Natalia Silva.

Para rematar, J. Luís Cacabelos da Sociedade Instrutiva de Caamouco, interpretou, a capela, o Don Gaíferos en agradecemento ás explicacións de Ricardo Polín.

Peché do acto co intercambio de agasallos.

ROTEIRO NOCTURNO POR SOUTOMERILLE

O sábado, 8 de xullo, fomos convidados pola a A.C. Amigos do Patrimonio de Castroverde a participar nun roteiro nocturno ata Soutomerille.

Despois dun concerto na igrexa de Soutomerille a cargo do grupo Tundal e dunha cea nun prado de a carón da igrexa comezamos o roteiro nocturno por Soutomerille. Esta ruta estivo teatralizada polo grupo Achádego.



IV XUNTANZA DE VERÁN DOS SOCIOS E FAMILIARES DE ARUMES

O domingo, 16 de xullo, foi o día elixido este ano para facer a xuntanza de socios. Como é habitual o encontro celebrouse na Carballeira do San Bernabé.



EXCURSIÓN A FISTERRA, FERVENZA DO ÉZARO E CARNOTA

O domingo, 6 de agosto, desprazámonos ata Fisterra para participar na súa XXV festa do longueirón. A primeira parada foi no Faro; os romanos pensaban que este era o punto máis occidental da terra, e polo tanto o mundo acababa aquí. Era, polo tanto, o “finis terrae”. Despois desprazámonos ata a vila de Fisterra para degustar as navallas. Xa pola tarde desprazámonos ata a fervenza do Ézaro en Dumbría; é una fervenza que forma o río Xallas na súa desembocadura ao mar na enseada do Ézaro. Xa de regreso visitamos Carnota, onde puidemos admirar o seu hórreo cunha lonxitude de 34,7 metros e o pombal ao lado da igrexa, xa que era o clero o que dispuña de grandes cantidades de colleitas polos tributos que lles pagaban os labregos da zona (diezmos).



ACTUACIÓN DO GRUPO DE TEATRO “A RABELA”

O sábado, 9 de setembro, no Centro Sociocultural do Corgo o grupo A Rabela Teatro puxo en escena a obra “Balbina a adiviña”. A actuación foi de entrada libre, polo que contou cun bo grupo de persoas que gozaron coa representación desta obra teatral.



EXCURSIÓN A LEÓN

O sábado, 30 de setembro, uns 50 socias/socios visitamos a cidade de León. Unha vez alí puidemos ver parte do seu rico patrimonio monumental e artístico: a Casa de Botines, obra modernista de Gaudí, o Palacio dos Guzmanes (Deputación), a catedral, obra mestra do gótico, a Real Colexiata de San Isidro ou o Parador de San Marcos.

A mediodía fixemos unha visita ao popular Barrio Húmido para degustar as súas famosas tapas.



IX CARREIRA POPULAR ARUMES DO CORGO: MEMORIAL QUIQUE CASANOVA

O domingo, 22 de outubro, celebrouse a IX Carreira Popular “Arumes do Corgo”, que organiza a asociación homónima e na que participaron máis de 300 deportistas de todas as idades, desde menos e nenas de 3 anos ata veteranos.



O gañador da proba absoluta foi Carlos Villamor Castiñeira, seguido de Juan Antonio Gude Vila e Ivo Maseda Dorado.

Na categoría feminina a vencedora foi a corredora Silvia Fernández Aguado, seguida de María Hurtado Sanjurjo e Ana Belén González Margaride.

A IX Carreira Popular Arumes do Corgo estivo organizada pola propia asociación coa colaboración da Federación Galega de Atletismo e o apoio económico da Vicepresidencia da Deputación de Lugo e do Concello do Corgo.

XORNADAS DE RECOÑECIMENTO E EXPOSICIÓN DE COGOMELOS

Estas xornadas micolóxicas foron este ano o 10 e 11 de novembro. O día 10 foi a parte teórica a cargo do membro da Asociación Micolóxica Lucus, José Antonio Castro Ferreiro.

O día 11 fixemos una saída guiada de recollida polos montes do Corgo e posterior selección e recoñecemento no Centro Sociocultural.

XEIRA ROMÁNICA POR GUNTÍN E LUGO

A Asociación “O Sorriso de Daniel” convidounos a participar nunha “Xeira románica por Guntín e Lugo, o domingo 19 de novembro.



Visitando a igrexa de Santa María de Ferreira de Pallares (Guntín) e o Mosteiro de Guntín pasando por Santa Cruz da Retorta.

Despois do xantar participamos nunha visita guiada polo Museo diocesano da Catedral de Lugo.

XI CERTAME LITERARIO “TERRAS DE CHAMOSO”

O sábado, 16 de decembro, ás 20:00 h no Centro Sociocultural de O Corgo celebrouse a entrega de premios do XI Certame Literario “Terras de Chamoso”.

Os premiados nesta edición foron:

CATEGORÍA: INFANTIL

Modalidade: **poesía**

1º premio: Miguel Villanueva Moretón, de Gracián-Arcos (Castroverde), pola obra “Queiman Galicia”.

2º premio: Yare Brea Espinosa, da Coruña, pola obra “O mosto do magosto”.

1º accésit: Nerea Campos Castro, do Corgo, pola obra “O bosque”.

Modalidade: **relato**

1º premio: María Calvar Giráldez, de Mos (Pontevedra), pola obra “Carmen, a esperanza de dona Gloria”.

2º premio: Álvaro Muñiz Pérez, de Barredo (Castroverde), pola obra “Ditos das miñas avoas”.

CATEGORÍA: XUVENIL

Modalidade: **poesía**

1º premio: Natalia Lema Otero, de Vimianzo (A Coruña), pola obra “Miserias do home”.

2º premio: Laura López Esteban, de Lugo, pola obra “A confección dos soños”.

Modalidade: **relato**

1º premio: Adrián Noia Vázquez, de Santiago de Compostela, pola obra “Diario dunha marea negra”.

2º premio: Juan Carlos Regueiro García, da Coruña, pola obra “Domingo, o Curuxo”.

CATEGORIA: ADULTOS

Modalidade: **poesía**

1º premio: María Teresa Iglesias Yugat, de Santiago de Compostela, pola obra “Pensarte”.

2º premio: José Ramón Sánchez Varela, de Carballo (A Coruña), pola obra “Días de inverno e fedor a loito”.

Modalidade: **relato**

1º premio: Xosé Sobral Amoedo, de Santiago de Compostela, pola obra “A importancia dos detalles”.

2º premio: Jonatán Cabaleiro, de Ponferrada, pola obra “O rescate do grandón”.

Ano 2018

CAMIÑO INGLÉS

O 3 de febreiro comezamos as actividades deste ano coa última etapa do Camiño Inglés, que empezamos o 23 de setembro do ano 2017.

Este camiño foi unha ruta medieval seguida por peregrinos procedentes de Inglaterra e outros países do norte de Europa. Estes peregrinos chegaban ás costas galegas e adoitaban a desembarcar nos portos de A Coruña e Ferrol, dende onde emprendían a peregrinación por terra seguindo o actual trazado do Camiño Inglés a Santiago nas súas dúas variantes.



Este camiño dividímo-lo en 6 etapas:

1ª Etapa: **Ferrol-Neda-Fene.**

2ª Etapa: **Fene-Vilar do Colo-Pontedeume-Miño.**

3ª Etapa: **Miño-Betanzos-Ponte Presedo.**

4ª Etapa: **P. Presedo-Sto Tomé Vilacoba-Bruma-A Rúa.**

5ª Etapa: **A Rúa-A Calle-Sigueiro-Marantes.**

6ª Etapa: **Marantes-Sionlla-Polígono do Tambre-Santiago.**

CELEBRACIÓN DO ENTROIDO

A Asociación Cultural Arumes do Corgo, celebrou o sábado, 10 de febreiro, o Entroido cun xantar de contraternización no “restaurante Prados”.

EXCURSIÓN A VERÍN

O sábado, 17 de febreiro, viaxamos a Verín (Ourense); nas súas orixes foi esta unha vila romana. Fixemos unha visita ao Castelo de Monterrei, situado nunha zona elevada do val, construído no século XII. Exteriormente destacan

as súas dúas torres, as das Damas e a da Homenaxe. Actualmente é un Parador de turismo.

Xa pola tarde desprazámonos a unha adega da zona para degustar os seus caldos.

EXCURSIÓN POLA RUTA DA CAMELIA-PAZO DE LOURIZÁN-ESCOLA NAVAL DE MARÍN-PAZO QUINTEIRO DA CRUZ

O sábado, 24 de marzo, fixemos unha excursión na que pola mañá visitamos o Pazo de Lourizán. Este impresionante pazo foi habilitado como granxa no século XV; desta época conserva o pombal.



A Deputación de Pontevedra comprouno na década de 1940. No 1943 cedeullo ao Ministerio de Educación para o uso como Centro Rexional de Ensinanzas, Investigacións e Experiencias Forestais, no 1946 converteuse na Escola Técnica Superior de Montes. Acolle actualmente a Sede de Estudios de Investigacións Agrónomas e Forestais. Ten como obxectivos principais a protección, conservación e mellora do patrimonio forestal de Galicia.

Conta este pazo con mais de 50 hectáreas de xardín, finca e arboreda, invernadoiro, estatuas e un enorme hórreo.

Continuamos cunha visita guiada á Escola Naval de Marín. Pertencente ao Ministerio de Defensa e encadrado no Centro Universitario de Defensa está adscrito á Universidade de Vigo. Visitamos



o planetario onde se poden admirar variados e interesantes instrumentos.

Pola tarde visitamos o fermoso Pazo de Quinteiro da Cruz, sito en Ribadumia, en pleno Val do Salnés, con viñedos propios e rodeado de impresionantes xardíns con grande variedade de camelias, e todo tipo de especies botánicas, que foi galardoado en diversas ocasións. O conxunto está formado pola casa principal, a adega, o alpendre porticado, en cuxo interior se atopa unha lareira, lagar e apeiros de labranza, dous hórreos e cruceiro do século XVII, pombal, capela e fontes ornamentais. Isto fai que fose declarado patrimonio histórico-artístico de Galicia.

PRESENTACIÓN DA NOVELA “RÉQUIEM”

O xoves, 10 de maio, no Centro Sociocultural do Corgo tivo lugar a presentación da novela “Réquiem” da escritora, e socia de Arumes, M^a Dolores Seijas Soto, publicado pola editorial Punto Rojo.



XI ENCONTRO DE ASOCIACIÓNS CULTURAIS GALEGAS

O sábado, 26 de maio, celebramos o XI Encontro de Asociacións Culturais Galegas. Nesta ocasión a asociación encargada da organización foi a, Agrupación Instrutiva de Redes e Caamouco de Ferrol, e participaron ademais: A.C. Amigos do Patrimonio de Castroverde, Arcas de Sarria, A Canteira de Neda, e Arumes do Corgo. Axuntanza consistiu nun roteiro a pé, e dun fabuloso paseo en barca pola ría de Ferrol, un succulento xantar e unha actuación musical.



CAMIÑO PRIMITIVO

O sábado, 3 de xuño, comezamos o Camiño Primitivo, que no seu día fixo o entón rei asturiano Alfonso II, O Casto. Xa case ao final deste, en Melide, este camiño únese ao Camiño Francés. Nesta ocasión comezamos a nosa andaina na vila asturiana de Grandas de Salime.

Dividimos este camiño en oito etapas:

- 1ª Etapa: **Grandas de Salime-Fonfría.**
- 2ª Etapa: **Fonfría-A Fonsagrada-A Lastra.**
- 3ª Etapa: **A Lastra-A Fontaneira-O Cádavo-Castroverde-As Casas da Viña.**
- 4ª Etapa: **As Casas da Viña-Lugo-Seoane-San Román da Retorta.**
- 5ª Etapa: **San Román da Retorta-Ferreira-Vilamor.**
- 6ª Etapa: **Vilamor-Melide-Ribadiso da Baixo-Arzúa- Preguntoiro.**



7ª Etapa: **Preguntoiro-Boente-Pedrouzo-Amenal.**

8ª Etapa: **Amenal-Lavacolla-Santiago.**

ROTEIRO NOCTURNO-CASTELO DE CASTROVERDE-SOUTOMERILLE

Un ano máis participamos, convidados pola A.C. Amigos do Patrimonio de Castroverde, neste roteiro nocturno que se celebrou este ano o sábado, 14 de xullo. O roteiro comezou na torre medieval de Castroverde e finalizou en Soutomerille.

VIAXE Á PROVINCIA DE PONTEVEDRA

O domingo, 15 de xullo, collemos rumbo á provincia de Pontevedra. A nosa primeira parada foi en Padrón para visitar esta fermosa vila e pasear polo seu famoso mercadillo. Continuamos cara a vila de Cambados para desfrutar nesta ocasión da súa "Festa da Vieira". Despois de xantar nesta bonita vila, puxemos rumbo para visitar o Pazo Baión, en Vilanova de Arousa, e a súa singular finca cun emprazamento único no val



do Salnés, cuxas orixes se remontan ao século XV. Esta propiedade de 30 hectáreas alberga un dos viñedos máis importantes do panorama vitivinícola mundial.

V XUNTANZA DE SOCIOS E FAMILIARES A.C. ARUMES

Un ano máis celebramos esta xuntanza. Nesta ocasión realizouse o domingo, 16 de xullo, e o lugar escollido volveu a ser de novo a Carballeira do San Bernabé.



HOMENAXE A JESÚS ABUÍN ARIAS

O sábado, 22 de setembro, o socio do Centro de Estudos do Corgo recibiu as distincións de Fillo Predilecto e de Cronista Oficial do concello do Corgo acompañado de moitos socios da A.C. Arumes do Corgo. Os actos comezaron ás 12:30 h no Centro Sociocultural do Corgo coa entrega

dos títulos (acto aberto ao público en xeral). A continuación (ás 14:00 h) organizouse unha comida de homenaxe no Hostal Prados.

ruta de senderismo polo canón do sil

O sábado, 29 de setembro, saímos de Parada de Sil e entre soutos percorremos o seguinte itinerario: aldea de Sardela, Entrambosríos, “sendeiro de Castiñeiros e carrozas” e os Balcóns de Madrid, coa espectacular panorámica do canón.

Seguimos camiñando, deixando atrás uns antigos “sequeiros” que se utilizaban para secar e almacenar as castañas, e xa nos atopamos co Mosteiro de Santa Cristina de Ribas de Sil, unha xoia do románico. Subimos ata a aldea de Castro e visitamos o seu fermoso mirador para regresar a Parada do Sil e rematar a xornada.

VIAXE Á COSTA DE LUGO



O sábado, 6 de outubro, viaxamos ata O Vicedo, para visitar “O Fuciño do Porco”; despois fixemos unha visita a Estaca de Bares, para rematar a nosa xornada na Feira da Faba de Lourenzá.

X CARREIRA POPULAR ARUMES DO CORGO: MEMORIAL QUIQUE CASANOVA

O sábado, 20 de outubro, celebrouse a X Carreira Popular “Arumes do Corgo”, que organiza a asociación homónima e na que participaron máis de 350 deportistas de todas as idades, desde menos e nenas de 3 anos ata veteranos.



O gañador da proba absoluta foi Juan Antonio Gude Vila seguido de Daniel Pérez Murado e Xabier Díaz Fernández.

Na categoría feminina a vencedora foi a corredora Rocío Alvite Ferreiro, seguida de Luisa González Somoza e Zelin Spencer Conceição.

A X Carreira Popular Arumes do Corgo contou coa colaboración da Federación Galega de Atletismo e o apoio económico do Concello do Corgo.

ruta de senderismo “A VÍA VERDE: A PONTENOVA-SAN TIRSO DE ABRES”

O sábado, 3 de novembro, comezamos en A Pontenova, xunto os antigos fornos, esta ruta que percorre preto de 14 km, da antiga liña férrea que unían a localidade de A Pontenova co porto de Ribadeo.



XORNADAS DE RECOÑECEMENTO E EXPOSICIÓN DE COGOMELOS

Este ano celebramos a xornada micolóxica o 23 e 24 de novembro. O día 23 foi a parte teórica, a cargo do membro da Asociación Micolóxica Lucas José Antonio Castro Ferreiro.

O día 24 fixemos una saída guiada de recollida polos montes do Corgo e posterior selección e recoñecemento no Centro Sociocultural.



PRESENTACIÓN DO NÚMERO 6 DA REVISTA CORGA

O Centro de Estudos do Corgo (CEC) convidou a todos/as os/as socios/as de Arumes-CEC a participar na presentación do número 6 da revista Corga o mércores, día 5 de decembro, ás 19:00 h no Obradoiro do Libro situado no CENTRAD da Deputación de Lugo. Os asistentes foron agasallados cun exemplar da revista.





XII CERTAME LITERARIO “ TERRAS DE CHAMOSO”

O sábado, 15 de decembro, ás 19:00 h no Centro Sociocultural do Corgo celebrouse a entrega de premios do XII Certame Literario “Terras de Chamoso”.



Os premiados nesta edición foron:

CATEGORÍA: INFANTIL

Modalidade: **poesía**.

1º premio: Eva Mª Cordero Becerra, de Fonteita (O Corgo), pola obra “Para cavilar”.

2º premio: Claudia Ledo Folgueira, de Monte (Castroverde), pola obra “Outono”.

Modalidade: **relato**

1º premio: Álvaro Muñiz Pérez, de Barredo (Castroverde), pola obra “O nabal de Lugo”.

2º premio: Noa Pardeiro Vivero, da Frairía (Castroverde), pola obra “Amor e compañía...”.

Premio “A Legua Dereita”: Constantino Abuín Torrón, de Tórdea (Castroverde), pola obra “Roldán”.

CATEGORÍA: XUVENIL

Modalidade: **poesía**

1º premio: Deserto.

2º premio: Alicia López Besteiro, de Lugo, pola obra “Pasado indeleble”.

Modalidade: **relato**

1º premio: Deserto.

2º premio: Deserto.

CATEGORÍA: ADULTOS

Modalidade: **poesía**

1º premio: Verónica Pousada Pardo, de Riós (Ourense), pola obra “Vertixe”.

2º premio: Carlos López Fernández, de Vilalba, pola obra “Mitteleuropa”.

Modalidade: **relato**

1º premio: Xosé Sobral Amoedo, de Santiago de Compostela, pola obra “Vida salvaxe”.

2º premio: Sonia Puertas Martínez, de Tui, pola obra “O último día”.